


書名 錦繡萬花谷續集四十卷
 嘉靖十五年序錫山秦
 汴鏞石書堂刊本後修
 撰者 宋 闕名 撰
 卷 卷二十一
 內容分類 子-類書-彙考-宋
 索書號 大木-子部-類書類-31
 編號 C5924800

卷二十一



錦繡萬花谷續集卷之十八

類

後進領袖裴秀八歲能屬文時語曰後進領袖有裴秀

後為晉空 晉本傳

玉山照人裴楷以清通用為吏部郎時人稱見裴叔則

如近山映照人也 本傳

裴松之博覽墳籍立身簡素宋武帝克洛陽
 州行事武帝曰松之廊廟之才不冝久居邊務

沈馬轉中書侍郎 南史

表駿魏太祖曰駿有當世才其忠義可嘉補

崔浩目為三河領袖宋使來聘以駿有才學

彩色首頁1

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本 錦繡萬花谷續集四十卷 嘉靖十五年序錫山秦汴鏞石書堂刊本後修](#)

版權所有: 東京大學 東洋文化研究所

使用上的注意事項



誣以罪皆應死若水疑之密使人訪求女奴得之乃引以示女奴之父母皆泣曰是也富民父子賴以得免郡太守欲薦之若水固辭曰且朝廷以此爲若水功當置獄吏於何地太守歎服太宗聞之遂召用擢祕書丞直史館半歲中超遷知制誥翰林學士至道初拜右諫議大夫同知樞密院事

錦繡萬花谷續集卷之二十

錦繡萬花谷續集卷之二十一

類姓

燕

入講經傳出議朝政燕鳳少好學博綜經史明習陰陽識緯昭成素聞其名以禮致之拜左長史參決國事道武時歷行臺尚書甚器重明完世入講經傳出議朝政

邊

五經笥邊韶字孝先以文學知名教授數百人弟子嘲之曰邊孝先腹便便懶讀書但欲眠答曰邊爲姓先爲字腹便便五經笥後拜太中大夫著作東觀

宣處高任邊讓善占射能辭對時賓客滿堂莫不羨其風蔡邕深敬之以爲宜處高任後漢史

牽

當激濁揚清牽秀博辯有文才弱冠得美名補新安令嘗扼腕慷慨自謂居司直之任當能激濁揚清晉史

全

九江太守全琮字子璜父柔嘗使齎米數千斛到吳市易琮數散用空船而歸柔怒琮曰愚以所市非急而士大夫方有倒懸之故便賑贍不及啓報柔更奇之後為將軍假節領九江太守魏志

權

有國良翰權景宣少聰悟有氣俠曉兵權有智畧從周援弘農破沙苑皆先登陷陣轉外兵郎中除南陽郡守盜賊歛迹人得隸業百姓立碑頌德總戎簿伐著尅敵

之功布政蒞人垂稱職之譽豈非有國之良翰歟北史

良吏權懷恩萬紀族孫以廕遷尚乘奉御馭人安畢羅有寵見帝不恭懷恩適見之退杖四十帝嗟賞曰良吏也擢萬年令賞罰明見惡輒取時語曰寧飲三斗塵無逢權懷恩每盛服妻子不敢仰視更五州刺史所居威名赫然吏重足立

經術權德輿生三歲知變四聲四歲能賦詩積思經術無不貫綜元和初拜尚書同平章事風流醞籍自然可慕正元元和間為縉紳羽儀云並唐史

泉

除一官憂見顏色泉仙除雍州刺史豪右無敢犯者纖毫不擾於人後兼右僕射志尚廉謹每除一官憂見顏

色北史

堅

揚化將軍堅鑠光武拜揚化將軍與士卒共勞苦每急輒先當矢石封合肥侯

宣

三獨坐宣秉拜御史中丞光武特詔中丞與司隸校尉尚書令會同並尊席而坐故京師號曰三獨坐常服布被蔬食瓦器帝見而歎曰楚國二龔不如雲陽宣巨公

秉字巨公北後漢史

連

成及齊侯使連稱管至父成葵丘瓜時而往及瓜而代

左莊八年

蕭

平原太守蕭望之治齊詩射策甲科為郎上疏陳災異宣帝在民間聞其名曰此東海蕭生耶拜為謁者及遷為平原太守望之雅意在本朝為郡守內不自得上疏徵入守少府宣帝察其材任宰相欲詳試其政事復以為左馮翊元帝爵關內侯高帝紀

八葉宰相蕭邁擢進士第氣孤峻既當國風采峭整天

子器之自瑀逮邁凡八葉宰相

蕭夫子蕭穎士四歲屬文十歲補太學生觀書一覽即誦舉進士對策第一補祕書正字名播天下盧異等皆執弟子禮號蕭夫子並本傳

堯

鷹揚郎將堯君素煬帝時為鷹揚郎將後領河東通守以拒義師朝廷特賜金券待以不死君素卒無降心北齊傳

鈿

魏郡太守鈿期容貌絕異矜嚴有威光武以為魏郡太守郡界清平郡中服其威信拜衛尉封安城侯後本傳

姚

景想節義姚思廉少受漢書於父察寡嗜欲惟一於學授秦王府文學王語隋事慨然歎曰姚思廉蒙素可以明大節古所難者思廉在雒陽遣使遺物三百段致書曰景想節義故有是贈王即位詔共撰梁陳書推究綜括為二家史以卒父業唐本傳

益州刺史姚璿力學才辯拔擢舉明經第遷益州刺史

始蜀吏貪暴璿擿發之無所容貸降璽詔慰因謂左右為二千石清其身者易使吏盡清者難唯璿為兼之

平國公姚崇少倜儻尚氣節長乃好學下筆成章玄宗講武新豐召崇至帝方獵渭濱即召見與俱馳獵緩速如旨帝歡甚既罷乃咨天下事衮衮不知倦帝曰卿宜遂相朕崇知帝大度銳于治乃先設事以堅帝意即陽不謝帝恠之崇因跪奏臣願以十事聞云云帝曰朕能行之崇乃頓首謝翌日拜兵部尚書同中書門下三品封梁國公

晁

智囊晁錯學申商刑名以文學為太常掌號曰智囊詔

選賢良對者百餘人惟錯為高第並本傳

橋

漢陽太守橋玄舉孝廉補洛陽左尉梁不疑為河南尹
玄以公事當詣府受對耻為所辱棄官還鄉里徵為漢
陽太守後漢史

喬

神君喬智明以德行著稱為隆慮共二縣令號為神君
晉良史傳

譙

孝廉秀才晉隱逸譙秀少而靜默不交於世郡察孝廉
州舉秀才不就

焦

真健人焦度少有氣幹氣力弓馬並絕人宋孝武石充
左右曰此真健人也南史

苗

以惠化稱前晉卿世以儒素稱擢進士第知吏部選人
訴索好官厲言倨色紛于前晉卿乃與相對終日無愠
顏父之進侍郎充河北採訪使居三年政化大行寬厚
所至以惠化稱魏人為立生祠立石頌美唐史

包

包愷字和樂兄愉明五經愷悉傳其業又受
史記漢書尤稱精究仕隋為國子助教遠近聚徒教授
數千人北史儒林傳

皇朝包拯字希仁舉進士以大理評事知建

昌縣辭以親年高改和州管庫而親不欲去鄉里遂解官就養及親亡廬墓側終喪不忍仕久之知天長縣有訴盜割牛舌者拯曰第殺而鬻之俄有告私屠牛者拯曰已割其舌矣非私殺也盜色變遂引服徙知端州及除御史中丞上疏請立皇嗣仁宗喜乃曰當徐議之禮部侍郎樞密副使終于位謚孝肅

巢

浮沉里中 皇朝巢谷眉州眉山人也嘗舉進士京師見舉武藝者心實好谷素多力遂棄其舊學蘇軾謫黃州與谷同鄉幼而識之因與之遊及軾與其弟轍在朝谷浮沉里中未嘗一見紹聖初軾轍謫嶺海平生親舊無復相聞者谷獨慨然自眉山誦言欲徒步訪兩蘇聞者

皆笑其狂

茅

殺雞為饌 茅容字季偉郭林宗嘗寓宿於容旦日殺雞為饌林宗謂為已設既而以供其母自以草蔬與客同飯林宗起拜之曰鄉賢乎哉因勸以學卒以成德後漢

曹

一鼓作氣 齊師伐我公戰于長勺公將鼓之曹劌曰未可齊人三鼓劌曰可矣既克公問其故曰夫戰勇氣也一鼓作氣再而衰三而竭彼竭我盈故克之左傳公

掘土得蟹 曹翰大名人也太宗征太原又從征幽州所部攻城之東南隅卒掘土得蟹以獻翰謂諸將曰蟹水物而陸居失所也且多足慮救將至不可進拔之象其

班師乎已而果然除威塞軍節度使

讀書畧通大義曹利用少有志節讀書畧通大義以父

諫遺恩授殿中承旨使虜還擢東上閣門使忠州刺史天禧中拜樞密使加同平章事宰相李迪面斥丁謂姦邪利用馮拯皆有朋黨利用曰以片文遇主臣不如迪若捐軀入不側之虜迪不如臣卒以利用兼太子少保進右僕射仁宗即位進封魯國公

陶

五柳先生陶潛字元亮號五柳先生為彭澤令不能為

五斗米折腰乃賦歸去來蓄無絃琴曰但識琴中趣何

勞絃上聲晉史

有文武才陶弼元豐中為崇儀使知邕州山谷先生作

誌銘稱其有文武之才而可其詩

高

一代偉器高允字伯恭少孤夙成有奇度崔宏見之歎

曰高子黃中內潤高明外照必為一代偉器博通經史

天文術數尤好春秋公羊曾作塞上公詩有混欣戚遺

得喪之致北史

刻石鹿山頭高崇文其先從幽州七世不異居劉闢反

杜黃裳薦其才統諸屯兵討闢時顯功宿將人人自謂

當選及詔出皆驚後追擒之檻送京師入成都市并不

移珍貨如山無秋毫之犯進西川節度南平郡王刻石

紀功于鹿頭山詔同平章事唐史

決北征之策高瓊燕人也景德初契丹入寇大臣有欲

避狄江南西蜀者寇準不可諸將中獨瓊與準意同準
既力爭之真宗曰卿文臣豈能盡用兵之利準曰請召
高瓊瓊至乃言避狄爲便準大驚以瓊爲悔也已而徐
言避狄固爲安全但恐扈駕之士中路逃亡無與俱西
南者耳真宗乃大驚始決北征之策真宗既親征時前
軍已與契丹戰或有勸真宗南還者瓊因言契丹師衆
已老陛下宜親臨觀兵督其成功上嘉其言即幸澶州
南城瓊固請渡河真宗從之至浮橋駐輦未進瓊乃執
檣築輦夫背曰何不亟行今已至此尚何疑真宗乃命
進輦既至登北門城樓張黃龍旗城下將士皆呼萬歲
氣勢百倍會契丹大將撻覽中弩死契丹遂退

七

東曹典選

毛玠爲丞相東曹掾典選舉其所舉用皆清

正之士貴寵之臣輿服不敢過度請謁不行時人憚之
居顯位常布衣蔬食賞賜以賑施貧族家無所餘

魏志